



HORDALAND UNGDOMSLAG

1898 - 1973

Fylkesformenn i 25-års bolken.



Harald Bolstad.

Han er fødd 2. mai 1906 i Evanger og er tilsett ved Norges Statsbaner samstundes som han er bonde på Bolstad. Sjå elles omtale i 50 års skriftet.

Harald Bolstad kom med i styret for HU i 1936, vart formann i 1946 fram til 1952. Han var vidare med i styret til 1956 og gjorde eit stort arbeid i fylkeslaget.



Nils Liland.

Nils Liland fødd 7. sept. 1920, var frå Fana og kom tidleg med i Liland u. l. i Blomsterdalen, vart med i fylkesstyret og var fylkesformann i 1952. Han var bonde og mykje nytta i landbruksorganisasjonane i fylket, men døydde diverre altfor tidleg i 1965.



Sigvald Eik.

Sigvald Eik, fødd 1. januar 1916 er frå Uskedalen og det tradisjonsrike Uskedal u. l. Han var med i fylkesstyret frå 1951 og var formann i 1953 og 1954. Eik er sterkt knytt til bonde- og bygdemiljøet og har gjort seg gjeldande på mange felt i Sunnhordland.



Eirik Moen,

er fødd 5. febr. 1912 og er frå Måndalen i Romsdal. Han kom til Bergen i 1948 som journalist og vart med i B. u. l. «Ervingen», der han var formann i to år. Han vart formann i Hordaland Ungdomslag i 1955, men reiste frå Bergen før året var ute. Varaformannen, Harald Bolstad overtok då som formann fram til årsmøtet i 1956. Erik Moen reiste tilbake til Romsdalen og vart skrivar for Romsdalen Ungdoms-samlag.



Aslaug Kvilekval Brevik,

er fødd 25. juni 1925. Ho kom til Bergen og arbeidde ved kontoret til Norges Statsbaner i mange år. Som medlem i bygdelaget Ervingen var ho svært aktiv og var formann i fleire år.

Ho vart formann i Hordaland Ungdomslag i 1959 etter å ha vore med i styret i to år. Ho var formann i 4 år fram til 1963. Dessutan har ho vore styremedlem og varaformann i Noregs Ungdomslag.



Bjørgulv Eik,

fødd 11. nov. 1932 er frå Uskedalen og bror til Sigvald Eik. Han er kjend som aktiv medlem og formann i Uskedalen u. l. og Uskedalen Musikklag. Han kom med i fylkestyret 1960 og var formann i 1963 og 1964.



Gustav Morken,

er fødd 4. august 1923 i Manger og er bror til Petter Morken, kom med i Manger Ungdomslag og seinare i Bondeungdomslaget i Bergen, frå 1958 i Ungdomslaget Solglytt i Meland. Han arbeider i Landbruksøkonomisk Institutt og er frå 1956 busett i Meland. Gustav Morken var fylkesteater-rådgjevar i 1962 og 1963, kom med i fylkesstyret 1964 og var formann i 1965 og 1966. Han var fylkesstudieleiar i 1968 og 1969.



Anders Gjerstad,

er frå Lindås og er fødd 13. januar 1941. Han kom med i fylkesstyret i 1968, vart formann 1970 og er framleis formann i jubileumsåret 1973. Han er aktiv medlem i det tradisjonsrike ungdomslaget «Nybrot» på Hundvin i Lindås.



Bjarne Melve,

frå Voss er fødd 18. april 1938. Han har vore aktiv medlem i Voss Ungdomslag. Han var fylkesformann i 1967 og 1968, fylkesstudieleiar i 1972. Han har også vore ei drivande kraft i Voss Folklore som er omtala på annan stad i dette skriftet.



Petter Morken.

Petter Morken er fødd 26. juni 1922 i Manger. Han kom med i Manger Ungdomslag straks han var konfirmert og vart vald inn i fylkesstyret i 1954. På årsmøtet i 1956 vart han vald til formann og hadde dette ombodet i tre år. Dessutan er amatørmusikken hans store hobby og han har vore med i Manger Musikklag frå 1935, siste 15 åra som dirigent. Han er kontorsjef i Radøy kommune.

Steinar Kyrkjebø,

var formann i styret i 1969. Han er fødd 24. desember 1942 i Flekke i Fjaler. I gymnastida i Bergen kom han med i BUL og har sidan vore aktiv der, både som styrelem og formann, i spellaget og som bladstyrar for lagsbladet. Han var fylkesstudieleiar 1970/72 og er no med i styret for Kaffistova Løvstakken.